



**REPUBLIKA E SHQIPËRISË**  
**Kryeministri**

**URDHËR**

Nr. 93, datë 7.8.2012

**PËR**

**PËRGATITJEN E STRATEGJIVE SEKTORIALE**  
**E NDËRSEKTORIALE KOMBËTARE PËR PERIUDHËN 2013-2020,**  
**SI DHE DOKUMENTEVE STRATEGJIKE SEKTORIALE,**  
**2013-2020, NË KUADËR TË STRATEGJISË KOMBËTARE**  
**PËR ZHVILLIM DHE INTEGRIM, 2013-2020**

Në mbështetje të pikës 3, të nenit 102, të Kushtetutës, dhe të vendimit nr.692, datë 10.11.2005, të Këshillit të Ministrave, "Konsolidimi i një sistemi planifikimi të integruar në Shqipëri",

**URDHËROJ:**

1. Përgatitjen dhe hartimin e strategjive sektoriale e ndërsektoriale kombëtare për periudhën 2013-2020, në kuadër të Strategjisë Kombëtare për Zhvillim dhe Integrim (SKZHI), 2013 – 2020, sipas shtojcës 1, dhe në përputhje me strukturën sipas shtojcës 2, që i bashkëlidhen këtij urdhri.
2. Ngarkohen ministritë e linjës për përgatitjen e projektstrategjive sektoriale e ndërsektoriale, 2013-2020, brenda datës 25 dhjetor 2012.
3. Për të gjitha fushat e tjera, të cilat nuk janë përfshirë në listën e strategjive sektoriale e ndërsektoriale kombëtare, të paraqitura në shtojcën 1, që ministritë e linjës i konsiderojnë të rëndësishme për të

hartuar një dokument strategjik apo plan veprimi, duhet të hartohet një dokument strategjik sektorial, sipas strukturës së paraqitur në shtojcën 3, që i bashkëlidhet këtij urdhri. Dokumentet strategjike të hartuara të miratohen me urdhër ministri, sipas secilës ministri linje.

4. Institucionet dhe ministritë e linjës duhet të paraqesin për shqyrtim dhe miratim paraprak, në DEBASKON, versionet e konsoliduara të dokumenteve strategjike sektoriale e ndërsektoriale, të strategjive kombëtare përpëra miratimit në Këshillin e Ministrave, në përputhje me etapat e përshkruara në shtojcën 3, bashkëlidhur këtij urdhri.
5. Kryerjen e procesit të konsultimit të dokumenteve strategjike sektoriale e ndërsektoriale dhe të strategjive kombëtare sektoriale e ndërsektoriale, sipas etapave dhe udhëzimeve të paraqitura në shtojcën 4, që i bashkëlidhet këtij urdhri.
6. Ngarkohen ministritë e linjës, Departamenti i Bashkërendimit të Strategjive dhe Koordinimit Strategjik të Ndihmës së Huaj dhe institucionet e tjera të përfshira për zbatimin e këtij urdhri.

Ky urdhër hyn në fuqi menjëherë.

**KRYEMINISTRI**



A handwritten signature in black ink, appearing to read "Sali Berisha".

**SALI BERISHA**

## Shtojca 1.

### I. Lista e Strategjive Sektoriale dhe Ndërsektoriale per SKZHI 2013-2020

Vr.	Institucioni përgjegjës/udhëheqës	Strategjitë sektoriale e ndërsektoriale, në kuadër të SKZHI 2013-2020
1	Ministria e Bujqësisë, Ushqimit dhe Mbrojtjes së Konsumatorit	Strategjia Ndersektoriale per Zhvillimin Rural dhe Bujqësinë
2	Ministria e Mbrojtjes	Strategjia Sektoriale e Mbrojtjes
3		Strategjia Sektoriale e Zhvillimit të Biznesit dhe Investimeve
4	Ministria e Ekonomisë, Tregtisë dhe Energjetikës	Strategjia Sektoriale e Energjisë
5		Strategjia Ndërsektoriale për Mbrojtjen e Konsumatorit dhe Mbikqyrjen e Tregut (përfshirë infrastrukturën e cilësisë, pjesërisht pronësinë industriale)
6	Ministria e Arsimit dhe Shkencës	Strategjia Sektoriale për arsimin dhe kërkimin shkencor (arsimi bazë, 9-vjeçar, të mesëm, arsimi i lartë, kërkimin shkencor)
7		Strategjia Ndërsektoriale e Arsimit dhe Formimit Professional
8	Ministria e Financave	Strategjia Sektoriale e Financave Publike (përfshire tatimet dhe doganat)
9	Ministria e Shëndetësisë	Strategjia Sektoriale e Shëndetsisë
10		Strategjia Ndërsektoriale e Manaxhimit të Integruar të Kufirit
11	Ministria e Brendshme	Strategjia Ndërsektoriale e Luftës kundër Krimit të Organizuar, Trafikeve, dhe Terrorizmit (përfshin luftën kundër trafikimit të femijëve, luftën kundër pastrimit të parave, kundër trafikeve te drogës)
12		Strategjia Ndërsektoriale e Administratës Publike (fokusuar në shërbimin civil, reformën e pagave, trajnimin e AP)
13		Strategjia Sektoriale e Rendit Publik 2013-2020 (Policia e Shtetit)
14		Strategjia Ndërsektoriale e Decentralizimit dhe Qeverisjes Vendore
15		Strategjia Ndërsektoriale e Punësimit
16	Ministria e Punës, Çështjeve Sociale dhe Shanseve të Barabarta	Strategjia Ndërsektoriale për Politikat e Barazisë Gjinore
17		Strategjia e Mbrojtjes dhe Përfshirjes Sociale (përfshin sigurimet shoqërore; ndihmën ekonomike; politikat për grupet ne nevoje: PAK, Romet; dhe strehimin)

18		Strategjia Sektoriale e Sigurimeve Shoqërore
19		Strategjia Sektoriale e Shërbimeve të Furnizimit me Ujë dhe Kanalizimeve
20	Ministria e Punëve Publike dhe Transportit	Strategjia Sektoriale e Transportit
21	Ministria e Turizmit, Kulturës, Rinisë dhe Sporteve	Strategjia Ndërsektoriale e Turizmit (përfshirë trashëgiminë kulturore, artin dhe kulturën)
22	Ministria e Mjedisit, Pyjeve dhe Administrimit të Ujrale	Strategjia Ndërsektoriale e Menaxhimit të Mbetjeve
23		Strategjia Ndërsektoriale e Mjedisit
24		Strategjia Sektoriale e Drejtësisë
25	Ministria e Drejtësisë	Strategjia Ndërsektoriale e Reformës në Fushën e të Drejtave të Pronësisë
26	Ministria për Inovacionin, Teknologjinë e Informacionit e të Komunikimit	Strategjia Ndërsektoriale e Shqipërisë Digitale
27	Këshilli i Ministrave	Strategjia Ndërsektoriale e Parandalimit, Luftës kundër Korruptionit dhe Qeverisjes Transparente

## Shtojca 2.

### II. Struktura për strategjitet sektoriale për 2013-2020

Dokumenti i strategjisë sektoriale ka strukturën e mëposhtme sipas kapitujve:

- Kapitulli 1: **Kushtet Aktuale**

Ky kapitull hyrës paraqet situatën aktuale, duke parashtruar të dhëna sasiore dhe cilësore për zbatimin e strategjisë aktuale sektoriale, si edhe objektivat afatmesme dhe afatgjata në kuadër të SKZHI 2007-2013. Për analizën ministritë e linjës bazohen në informacionet e paraqitura në Raportet e Monitorimit me bazë performance për 2009 dhe 2010, raportimet në kuadër të PBA, raportimet në kuadër të procesit të integrimit europian, raportet e ndryshme të organizmave ndërkombëtare dhe donatorëve etj. Është e rëndësishme të paraqitet ecuria e treguesve domethënës për sektorin, duke i dhënë përgjigje pyetjes "Ku është sektori tani?". Në këtë kapitull trajtohet performanca e sektorit, si edhe cilat janë mosarritjet dhe sfidat për të ardhmen, fushat që kanë nevojë përmirësim.

- Kapitulli 2: **Vizioni, Politikat dhe Qëllimet Strategjike**

Ky kapitull paraqet në mënyrë konçize vizionin për zhvillimin e sektorit, duke iu dhënë përgjigje pyetjes "Ku është sektori në fund të periudhës 2020?". Ky vizion përcaktohet kryesisht nga angazhimi dhe perspektiva lidhur me integrimin europian.

Në këtë kapitull renditen politikat më të rëndësishme për sektorin për periudhën 2013-2020, duke përcaktuar edhe qëllimet për çdo politikë. Politika duhet të formulohet qartë, duke paraqitur qëllimin specifik, të matshëm dhe të prekshëm të politikës. Veçanërisht të përmenden ato politika të cilat u jepin zgjidhje çështjeve ndërsektoriale.

Qëllimi i politikës duhet të jetë konçiz dhe të paraqesë rezultatin e matshëm, të prekshëm, si edhe të përcaktuar për t'u arritur në vitin 2020 apo më tej, pra synimin afatgjatë për sektorin. Qëllimi duhet të jetë i matshëm, specifik, i përcaktuar për një periudhë të caktuar kohore. Duke patur parasysh që vizioni i strategjisë lidhet me integrimin europian të vendit, qëllimi lidhet pikërisht me aftësinë për të përbashbur detyrimet që lidhen me anëtarësimin, deri në vitin 2020, pra për periudhën afatmesme dhe afatgjatë. Në këtë pjesë mund të paraqiten gjithashtu aspekte të posaçme të analizës së ministrisë, se përsë janë më efektive politikat e parapëlqyera se politikat alternative.

Qëllimi i politikës duhet të jetë i përputhur me qëllimin e Deklaratave të Politikës së Programeve përkatëse, që paraqiten në Programin Buxhetor afatmesëm për zbatimin e strategjisë sektoriale apo ndërsektoriale

Në rastin e strategjive ndërsektoriale, nevojitet të përcaktohet një qëllim i përbashkët i politikës, i cili formulohet nga ministria udhëheqëse e procesit në bashkëpunim me ministritë anëtare në grupet ndërministrore të punës.

- Kapitulli 3: **Objektivat e politikës dhe produktet madhore**

Në këtë kapitull, që është edhe zemra e strategjisë sektoriale, paraqiten objektivat kryesore të politikës që është parashikuar të zbatohet nga Qeveria Shqiptare. Këto objektiva mundësojnë arritjen e qëllimeve të përcaktuara në Kapitullin e 2-të. Objektivat paraqiten të shtrira në kohë, duke paraqitur edhe një kalendar zbatimi për objektivat në vija të përgjithshme, së bashku me produktet kryesore përkatëse. Në këtë pjesë mund të paraqiten edhe instrumenta të politikës që do të ndiqet, duke përmendur aspekte të kuadrit ligjor apo struktura institucionale, të cilat lidhen me arritjen e objektivave të politikës. Objektivat duhet të janë specifike, të matshme, të prekshme, të arritshme, të përcaktuar për cdo vit të periudhës 20013-2020.

Këto objektiva duket të jepin qartësisht ecurinë dhe progresin në lidhje me arritjen e qëllimit afatgjatë të politikës, duke u paraqitur në lidhje me vitin bazë të programimit, që është 2012 ose 2013 (në varësi të miratimit të strategjisë).

Objektivat e strategjisë do të janë identike edhe me objektivat e deklaratave te programeve për PBA, duke siguruar zbatimin e plotë dhe buxhetimin e objektivave të strategjisë. Në këtë pjesë duhet të përmenden posaçërisht edhe objektiva dhe produkte që lidhen me aspekte ndërsektoriale.

Në këtë pjesë mund të shpjegojohen edhe opsjonet apo skenarët për realizimin e politikës, së bashku me instrumentat përkatës, duke sqaruar se cili opsjon është përzgjedhur, me argumentet përkatëse.

Në rastin e strategjive ndërsektoriale, mund të renditen fillimisht disa objektiva madhorë, në vijim të të cilave mund të renditen objektivat përkatëse për cdo sektor të vecantë. Objektivat madhore hartohen nga ministria udhëheqëse e procesit në bashkëpunim me ministritë anëtare në grupet ndërministrore të punës. Ndërsa objektivat përkatëse që lidhen me sektorët, hartohen nga secila ministri pjesëmarrëse në grupin ndërministror.

- Kapitulli 4: **Burimet financiare**

Në këtë kapitull paraqitet shpërndarja në vija të përgjithshme e burimeve midis politikave gjatë periudhës shtatëvjeçare të strategjisë, në përpunje me kostimin e kryer në PBA dhe parashikimeve për kostot e zbatimit të strategjisë deri në vitin 2020. Pikënisja për kostimin është PBA 2013-2020, si edhe parashikimet në vija të përgjithshme për zbatimin e politikave deri në 2020. Në këtë kapitull duhet të përshkruhen programet buxhetore për zbatimin e strategjisë sektoriale, të paraqiten tavanet përkatëse për shpenzimet e përcaktuara, të paraqiten shpenzimet sipas produkteve më të rëndësishme të politikave. Në këtë pjesë mund të përshkruhen edhe disa nga projektet kryesore me produktet përkatëse, që parashikohen/planifikohen të financohen nga donatorë të ndryshëm, sidomos projektet me financim nga IPA. Gjithashtu, në këtë kapitull mund të listohen projekte të ardhshme për të cilat do të kërkohet financim i huaj.

Për strategjitë ndërsektoriale, kostimi bazohet në koston përkatëse të produkteve që lidhen me objektivat e identikuara ndërsektoriale të secilës ministri përkatëse.

- Kapitulli 5: Llogaridhënia, monitorimi dhe analiza vlerësuese**

Në këtë kapitull paraqitet në vija të përgjithshme mekanizmi i monitorimit. Kjo përfshin:

- Sistemin e informacionit dhe të mbledhjes së të dhënavë, që duhet të paraqitet në mënyrë konçize. Gjithashtu, duhet të paraqiten mangësitë e sistemit, si dhe nevojat për përmirësimin dhe kompletimin e sistemit. Nqs ka informacione të detajuara me përshkrimet e roleve të institucioneve përkatëse për mbledhjen e informacionit, duhet të vendosen në aneks.
- Treguesit e monitorimit të rezultateve, në përputhje me Raportet e Monitorimit të rezultateve, me synimet përkatëse për vitet 2013-2020. Duhet të përfshihen gjithashtu tregues të rëndësishëm për sektorin, që aktualisht mund të mos maten, por që nevojitet të maten në të ardhmen. Në rastin e fushave ndërsektoriale, treguesit hartohen nga ministria udhëheqëse e procesit në bashkëpunim me ministritë anëtare në grupet ndërminstrore të punës.
- Mënyrën e raportimit dhe konsultimit të raporteve të monitorimit.
- Strukturat e përfshira në raportim dhe konsultimin e monitorimit të rezultateve, në përputhje me Raportet e Monitorimit të rezultateve, me synimet përkatëse për vitet 2013-2020. Duhet të përfshihen gjithashtu tregues të rëndësishëm për sektorin, që aktualisht mund të mos maten, por që nevojitet të maten në të ardhmen. Secila ministri linje duhet të përcaktojë treguesit me synimet përkatëse, të cilat lidhen me objektivat e politikës ndërsektoriale.
- Mënyrën e raportimit dhe konsultimit të raporteve të monitorimit me aktorët joqeveritarë.
- Strukturat e përfshira në raportim dhe konsultim.

Dokumenti përfundimtar i strategjisë duhet të jetë jo më shumë se 40 faqe, në mënyrë që:

- Të jetë një përbledhje konçize dhe e qartë e angazhimeve strategjike të ministrisë përkatëse,
- Të jetë e lexueshme dhe e kuptueshme për publikun.

Struktura e dokumentit të strategjisë sektoriale në mënyrë tabelare paraqitet më poshtë.

Kreu	Përbajtja
1. Pamje e përgjithshme	Vështrim i përgjithshëm i situatës aktuale dhe çështjeve kryesore me të cilat përballet sektori. Përdoret informacioni më i fundit statistikor, raportet e monitorimit, raportet e progresit etj. Sigurohet konsultimi me studimet për sektorin të bëra nga autorë shqiptarë ose të huaj, raportimet nga organizmat ndërkombëtare.
2. Vizioni, politikat dhe qëllimet strategjike	Deklaratë konçize e vizionit për gjendjen ku duam të jetë sektori në 2020. Politikat kryesore të Qeverisë për Sektorin dhe qëllimet përkatëse të politikave. Qëllimet duhet të jenë

	specifike, të matshme, realiste dhe të përcaktuara në kohë.
3. Politikat dhe objektivat e politikave	Objektivat e politikave për arritjen e qëllimeve strategjike deri në 2020. Objektivat janë të matshme, specifike, të përcaktuara në kohë, reale dhe të arritshme. Paraqiten objektivat lidhur me çështjet ndërsektoriale.
4. Burimet financiare	Paraqiten kostot në vija të përgjithshme për zbatimin e strategjisë. Jepen shpërndarjet e kostove sipas tavaneve të parashikuara, mundësish duke specifikuar kostot për shpenzime korrente/operative dhe investime kapitale, si edhe duke specifikuar se cilat kosto lidhen me integrimin european. Në përputhje me disponibilitetin e burimeve, për të konfirmuar realizimin e vendosjes së synimeve të matshme, kryhet shpërndarje në vija të përgjithshme e burimeve për politikat në periudhën afatmesme deri afatgjatë sipas situatave (skenareve) të ndryshme.
5. Llogaridhënia, monitorimi dhe analiza vlerësuese	Tregues të rezultateve dhe synimet përkatëse. Përshkrim i sistemit të informacionit dhe nevojave për ta përmirësuar. Përshkrim i strukturave dhe procesit të monitorimit e konsultimit.

## Shtojca 3.

### **III. Struktura për dokumentin strategjik sektorial apo ndërsektorial për 2013-2020**

Dokumenti strategjik sektorial apo ndërsektorial është thelbi për hartimin e kapitullit 3 të SKZHI, si edhe faza paraprake për hartimin e strategjive sektoriale. Struktura e DSS/DSN duhet të formulohet si më mëposhtë vijon:

- **Kapitulli 1: Kushtet Aktuale (2 faqe)**

Ky kapitull hyrës paraqet situatën aktuale, duke parashtruar të dhëna sasiore dhe cilësore për zbatimin e strategjisë aktuale ndërsektoriale. Kjo pjesë hartohet nga ministria udhëheqëse përfshin, bazuar në kontributet e ministrive respektive që mbulojnë politikat ndërsektoriale. Secila ministri përfshin kryer analizën bazohen në informacionet e paraqitura në Raportet e Monitorimit me bazë performance përfshin 2009 dhe 2010, raportimet në kuadër të PBA, raportimet në kuadër të procesit të integrimit europian, raportet e ndryshme të organizmave ndërkombëtare dhe donatorëve etj. Është e rëndësishme të paraqitet ecuria e treguesve domethënës përfshin sektorin, duke i dhënë përgjigje pyetjes "Ku është sektori tanë?". Në këtë kapitull trajtohet performanca e qeverisë, si edhe cilat janë mosarritjet dhe sfidat përfshin ardhmen, fushat që kanë nevojë përmirësim.

Kjo pjesë korrespondon me Analizën e Situatës Aktuale përfshin 2007-2011, që hartohet nga Ministritë e Linjës.

- **Kapitulli 2: Vizioni, Politikat dhe Qëllimet e Politikave (1 faqe)**

Ky kapitull paraqet në mënyrë konçize vizionin përfshin zhvillimin e sektorit, duke iu dhënë përgjigje pyetjes "Ku është sektori në fund të periudhës 2020?". Ky vizion përcaktohet kryesisht nga angazhimi dhe perspektiva lidhur me integrimin europian.

Për strategjitet ndërsektoriale, në pikëpamje të procesit, vizioni formulohet nga ministria udhëheqëse e procesit, bazuar në kontributet e ministrive të tjera, si edhe miratohet si vizion përfshin politikat ndërsektoriale në takimin e parë të Grupit Ndërministror të Punës përfshin përkatëse.

Në këtë kapitull renditen qëllimet e politikave më të rëndësishme përfshin sektorin përfshin 2013-2020. Në rastin e strategjive sektoriale, kur një strategji zbatohet përmes më shumë se një Programi të PBA-së, kjo pjesë sitetizon qëllimet e politikave të deklaratave të politikave përfshin përkatëse të PBA.

Në rastet e strategjive ndërsektoriale, qëllimi i politikës miratohet nga GNP, duke sintetizuar në një nivel më të lartë qëllimet e politikave të shprehura në secilat prej deklaratave të politikave të programeve që përfshihen në fushën respektive. Kontributet e ministrike të linjës përmblidhen nga ministria udhëheqëse e procesit, e cila i konsulton në nivel teknik me grupin teknik, dhe i paraqet për miratim në GNP.

Qëllimi i politikës duhet të jetë konciz dhe të jetë dhe të paraqesë rezultatin e matshën dhe të dëshiruar për tu arritur në vitin 2020, pra synimin afatgjatë për sektorin. Qëllimi duhet të jetë i matshëm dhe specifik.

Duke patur parasysh që vizioni i strategjisë lidhet me integrimin europian të vendit, qëllimi lidhet pikërisht me aftësinë për të përbushur detyrimet që lidhen nga anëtarësimi.

- **Kapitulli 3: Objektivat e politikës dhe produktet madhore (2 faqe)**

Në këtë kapitull, paraqiten objektivat kryesore të politikave, që mundësojnë arritjen e qëllimeve të përcaktuara në Kapitullin e 2-të më sipër. Këto objektiva mund të grupohen në afatmesme (2013-2015) dhe afatgjata (2015-2020). Objektivat e paraqitura duhet të janë koncize dhe të renditura sipas përparsisë me bullets.

Objektivat që paraqiten, janë identike me objektivat e shkruara në DPP (deklaratatat e politikave të programit) që zbatojnë politikat, por të konceptuara në terma afatmesme dhe afatgjata.

Për fushat ndërsektoriale, cdo ministri paraqet objektivat e veta në lidhje me këtë fushë, në përputhje me DPP përkatëse. Përsëri, këto objektiva duhet të janë të shkruara në DPP që përfshihen në këtë fushë.

Për cdo objektiv duhet të nënrenditen produktet madhore të parashikuara për zbatim, të cilat gjithashtu merren nga DPP 2013-2020.

Për setrategjitet ndërsektoriale, kjo pjesë hartohet nga secila ministri linje, e cila paraqet objektivat përkatëse ndërsektoriale, me produktet madhore. Ministria udhëheqëse përbledh kontributet përkatëse, duke i shkrirë në një kapitull të vetëm. Materiali i përbledhur diskutohet në nivel teknik me grupin përkatës të punës dhe miratohet në GNP përkatëse.

- **Kapitulli 4: Burimet financiare (2 faqe)**

Në këtë kapitull paraqitet shpërndarja në vija të përgjithshme e burimeve midis politikave gjatë periudhës shtatëvjeçare të strategjisë. Kjo shpërndarje duhet të jetë identike me shpërndarjen e nëntavaneve për programet përkatëse të PBA-së që zbatojnë politikën (identike me kostimin e kryer në PBA dhe parashikimeve për kostot e zbatimit të strategjisë deri në vitin 2020).

Në këtë kapitull duhet të përshkruhen me bullets shpenzimet e parashikuara në programet e mundshme buxhetore për zbatimin e politikave ndërsektoriale madhore (sa do ti kushtojë buxhetit mesatarisht për cdo vit zbatimi i kësaj politike me një produkt të përcaktuar) dhe arritjen e produkteve përkatëse nga secili ministri përkatëse. Në këtë pjesë mund të përshkruhen edhe politika dhe produkte të politikave që parashikohet të financohen nga donatorë të ndryshëm.

Për strategjitet ndërsektoriale, secila ministri paraqet koston e objektivit përkatës dhe produktit përkatës të paraqitur në programin e PBA që lidhet me fushën. Ministria udhëheqëse e procesit përbledh kontributet e ministrive të tjera të linjës dhe paraqet një tabelë sintetike për kostimin e objektivave të politikave të parashikuara nga cdo ML.

- **Kapitulli 5: Llogaridhënia, monitorimi dhe analiza vlerësuese (2 faqe)**

Në këtë kapitull paraqitet skematikisht mekanizmi i monitorimit. Kjo përfshin:

- Strukturat institucionale hartojnë dhe miratojnë raportet vjetore të monitorimit të rezultateve për cdo sektor. Për strategjitet ndërsektoriale, në strukturat e përfshira në raportim, duhet të përmendet edhe roli i Grupit Ndërministror të Punës për hartimin dhe ndjekjen e zbatimit e strategjisë.
- Listë me treguesit dhe synimet e rezultateve për cdo qëllim të politikës të paraqitur në kapitullin 2 më sipër.

Për strategjitet ndërsektoriale, secila ministri paraqet treguesit e objektivave të veta. Ministria udhëheqëse e procesit përbledh kontributet e ministrive të tjera të linjës dhe harton setin e treguesve me synimet e politikave që do të monitorohen. Seti i hartuar, diskutohet me grupin teknik dhe paraqitet për miratim në GNP.

- **Aneks i mundshëm i dokumentit strategjik sektorial**

Nqs ministria gjykon të nevojshme politika prioritare që duhen zbatuar, por të cilat nuk mund të mbulohen me tavanet e përcaktuara nga Ministria e Financave, atëherë, në konsultim me DEBAKSON, mund të paraqiten në formë shtojce të dokumentit strategjik sektorial/ndërsektorial. Në këtë rast, shtojca duhet të strukturohet në formatin e fishave të politikave prioritare (formati i paraqitur nga DEBASKON për ML në fillimin e ciklit të buxhetit).

Dokumenti përfundimtar strategjik sektorial/ndësektorial duhet të jetë jo më shumë se 10 faqe, në mënyrë që:

- Të jetë një përbledhje konçize dhe e qartë e angazhimeve strategjike të ministrisë përkatëse,
- Të jetë e lexueshme dhe e kuptueshme për publikun e gjërë.

## Shtojca 4.

### IV. Konsultimet dhe pjesëmarrja

Qeveria është e angazhuar për të ofruar transparencë dhe pjesëmarrje të publikut gjatë hartimit të strategjive sektoriale. Llogaridhënia për përdorimin e burimeve publike është një prioritet dhe pjesë integrale e përmirësimit të qeverisjes. Normalisht pjesëmarrja mundëson që zgjedhjet e politikave të mbështeten më shumë tek informacioni. Për të mundësuar një shkallë të mjaftueshme pjesëmarrjeje në strategjitet sektoriale, çdo ministri e linjës nevojitet të bëjë hapat e mëposhtëm pas marrjes së këtij Udhëzimi:

- Të organizojë takimet këshillimore me anëtarët e Grupit Këshillimor për sektorin përkatës. Në këtë grup këshillimor janë anëtarë: pushteti vendor; sindikatat; shoqatat dhe dhomat e profesionistëve; akademikët dhe ekspertë të tjera; organizatat joqeveritare; shoqatat e qytetarëve; shoqatat e biznesit dhe të punëdhënësve, etj.
- Materialet për konsultimin me Grupin Këshillimor duhet të paraqiten minimalisht 10 ditë përpara datës së konsultimit për shqyrtim dhe komente, si edhe të publikohen në faqen e internetit të ministrisë përkatëse.
- Cdo takim i Grupit Këshillimor përkatës duhet të publikohet në faqen e internetit të ministrisë përkatëse. Grupit Këshillimor, si edhe palëve të tjeve të interesuara dhe qytetarëve i jepet një kohë e mjaftueshme që të dërgojnë komentet e tyre për draftet e paraqitura në faqen e internetit. Komentet e paraqitura nga palët e interesuara duhet të publikohen në faqen e internetit.
- Të organizojë takimet me Grupin Sektorial të Punës me donatorët. Për këtë, takimet do të organizohen në konsultim edhe me DEBASKON, si edhe Sekretariatin Teknik të Donatorëve.
- Materialet për konsultimin me donatorët duhet të paraqiten minimalisht 10 ditë përpara datës së konsultimit për shqyrtim dhe komente. Ndërkohë, që drafti anglisht duhet të publikohet në faqen e internetit për një shqyrtim të mëtejshëm, benda një afati të përcaktuar. Komentet e paraqitura nga donatorët duhet të publikohen në faqen e internetit.
- Të organizojë takime në nivel rajonal për diskutimin e strategjive sektoriale. Komëntet e paraqitura në takimet rajonale, duhet të paraqiten në faqen zyrtare përmes një informacioni të përbledhur.
- Të informojë dhe ftojë DEBASKON për cdo takim që do të organizohet në këtë kuadër me Grupet Këshillimore, donatorët, si edhe në nivel rajonal.
- Të dërgojë për shqyrtim dhe komente në komisionin përkatës parlamentar draftin e strategjisë.
- Të dërgojë për miratim si VKM në Këshillin e Ministrave projekt dokumentin e strategjisë, duke reflektuar paraprakisht komentet gjatë konsultimeve, komentet e DENASKON, si edhe mendimet e ministrive të linjës për projektdokumentin përfundimtar. Paraprakisht me dërgimin për miratim si VKM, dokumenti i strategjisë duhet të marrë miratimin e DEBASKON, i cili verifikon kryerjen e të gjithë procesit sipas këtij Urdhëri, apo akteve të tjera ligjore përkatëse, si edhe reflektimin e komenteve të palëve të interesuara.

NR.PROT.2626  
DATË 7.8.2012

GJITHË MINISTRIVE  
DEPARTAMENTIT TË BASHKËRENDIMIT  
TË STRATEGJIVE DHE KOORDINIMIT  
STRATEGJIK TË NDİHMËS SË HUAJ



100 Vjet Pavarësi

Gjergj LEZHJA

Sekretar i Përgjithshëm

